



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Novum Gratiae Prodigium: Sive Vita Venerabilis Matris,
Sororis Joannæ à Jesu Maria Monialis Præcipui D. Claræ
Coenobii In Bvrgos**

Ameyugo, Francisco de

Coloniæ Agrippinæ

Facultas, Censura Et Approbatio pro editione Latina.

urn:nbn:de:hbz:466:1-37120

APPROBATIO.
FACULTAS, CENSURA ET APPROBATIO
pro editione Latina.

EGO infra scriptus vigore potestatis à Reverendo Patre INNOCENTIO Carthusiæ Priore & totius Ordinis Carthusiensis Ministro Generali acceptæ, Vitæ mirabilis Virginis Joannæ à JESU MARIA, à quodam memorati Ordinis Alumno, è Germanico idiomate in Latinum translata & à tribus Patribus nostris ad hoc deputatis revisam, censam & approbatam, typis vulgari permitto. Cujus rei fidem facio, manu mea & Sigilli appositione, in Carthusia Olomucensî 8. Januarii Anno 1688.

*F. BERNARDUS GEPHARD Carthusia
Olomucensis Prior, diſſique Ordinis per Provin-
ciam Alemannia Superioris Viſitator.*

ADMONITIO UTRIUSQUE INTERPRETIS
ad benevolum Lectorem.

QUoniam quamplurima mira, rara ac vix audita usquam gesta in hac præsentî historia leguntur, benevolum Lectorem prius commonefacere constitui, ut proximè sequentem hujus vitæ Præfationem impendio observare in animum inducat, in qua ipsi fideles, ac ipsa demum totius historię veritas pluribus declaratur. Ad hæc assatim etiam actorum vitæ hujus veritas firmabitur, si tota eorundem series ac tenor ordine haud perverso ac præpostero cum longanimitate legendo decurratur. Monere etiam secundò volui, quòd mira hæc & admiranda facta, juxta testificationem Hispanici Authoris, accepta sint è Judiciario processu, quem Reverendissimus ANTONIUS PAINO Archi-Episcopus Burgenſis instituit super exoticis omnibus hisce gestis, totaque Venerabilis Virginis Vitâ, ubi cum primis observandum, quòd in eo ita constituto Processu, auditi sub jurejurando sunt illi, qui res hæc suismet conspexere oculis, aut illis præsentibus interfuere, quas inter est etiam usitata Sororis Joannæ Feriæ sextæ exercitatio, quæ sæpenumero atque à compluribus personis est visa, ac deinceps eorundem jurejurando confirmata.

Hæc mihi præcipuè fuere indicanda, ob effigiatam in capite libri crucifixionem Joannæ, quæ mira quibusdam, ac quasi à veritate aliena videtur, cum tamen ad prædictum modum complures fide digni homines eandem conspexerint, atque juramenti religione firmarint. Porro tamen Christi Dominus cum sua Gloriosa Parente, Divis Cælestibus, atque Angelis, non à testibus, sed à sola duntaxat Joana visifuerint, nihilò tamen secius ad crucifixionem eosdem appingere placuit; eò quòd Soror Joana dum in virtute sanctæ obedientiæ à suis Superioribus ex ea quæreretur, adige-

retur-